

**ՀԱՅԱՍՏԱՆԻ ԵՐԻՏԱՍԱՐԴ ԻՐԱՎԱԲԱՆՆԵՐԻ ԱՍՈՑԻԱՑԻԱՅԻ 2013 Թ.-Ի  
ՀՈՒՆՎԱՐԻՑ ԴԵԿՏԵՄԲԵՐ ԸՆԿԱԾ ԺԱՄԱՆԱԿԱՀԱՏՎԱԾԻ ԳՈՐԾՈՒՆԵՈՒԹՅԱՆ  
ԻՆՔՆԱԳՆԱՀԱՏՄԱՆ ՀԱՇՎԵՏՎՈՒԹՅՈՒՆ**

Ք.Երևան  
07 հունիսի, 2014թ.

**ԲՈՎԱՆԴԱԿՈՒԹՅՈՒՆ**

**I. ՆԱԽԱԲԱՆ**

**II. ՄԵԹՈԴՈԼՈԳԻԱ**

**III. ՆԿԱՐԱԳՐՈՒԹՅՈՒՆ**

**IV. SWOT ՎԵՐԼՈՒԾՈՒԹՅՈՒՆ**

**V. SWOT ՎԵՐԼՈՒԾՈՒԹՅԱՆ ԱՐԴՅՈՒՆՔՆԵՐԻ ԿԻՐԱՌՈՒՄ**

**VI. ԱՍՓՈՓՈՒՄ**

**I. ՆԱԽԱԲԱՆ**

2014 թ.-ի հունիսի 07-ին Հայաստանի երիտասարդ իրավաբանների ասոցիացիայի կողմից կազմակերպվեց և ՀԵԻԱ Կենտրոնական գրասենյակում անցկացվեց Հայաստանի երիտասարդ իրավաբանների ասոցիացիայի (այսուհետև՝ ՀԵԻԱ) գործունեության 2013թ.-ի հունվար ամսից մինչև 2013թ.-ի դեկտեմբեր ամիսն ընկած ժամանակահատվածի ինքնագնահատման սեմինար:

Ինքնագնահատման սեմինարին (այսուհետև՝ սեմինար) ներգրավվել էին 27 մասնակիցներ, այդ թվում նաև՝

1. *ՀԵԻԱ-ի 15 լիիրավ անդամներ, որոնցից 4-ը հանդիսանում են ՀԵԻԱ-ի վարչության անդամներ, 1-ը՝ ՀԵԻԱ ժամանցային ակումբի ղեկավար*
2. *10 անդամ չհանդիսացող անձ*
3. *2 կամավոր*

Ինքնագնահատման սեմինարի նպատակներն էին՝

- ծանոթանալ կազմակերպության կայունության, գնահատման և ինքնագնահատման գաղափարներին, կազմակերպության ինքնագնահատման նպատակներին, ՀԿ ենթահամակարգերին և նրանց բաղադրիչներին,
- ներկայացնել և քննարկել կազմակերպության վերջին մեկ տարվա գործունեությունը,
- իրականացնել կազմակերպության ինքնագնահատում,
- մշակել 2014թ.-ի մեկամյա զարգացման պլան,
- մշակել 2014-2016թթ. ՀԵԻԱ Ռազմավարական պլանը:

Ինքնագնահատման սեմինարի արդյունքներն են հանդիսանում տվյալ հաշվետվությունը, կից ներկայացված ՀԵԻԱ-ի զարգացման մեկ տարվա պլանը, ՀԵԻԱ-ի նոր մշակված 2014-2016թթ. Ռազմավարական պլանը:

**II. ՄԵԹՈԴՈԼՈԳԻԱ**

ՀԵԻԱ ինքնագնահատման գործընթացը իրականացվեց ինտերակտիվ սեմինարի ձևով, որի ընթացքում կիրառվեց մի քանի մեթոդների համադրություն՝ «ուղեղի գրոհ», մետապլան, քննարկումներ: Սեմինարը անցկացվեց մեկ օր՝ ընդհանուր առմամբ 5 ժամ տևողությամբ:

ՀԵԻԱ ինքնագնահատման գործընթացը բաղկացած էր հետևյալ հիմնական փուլերից.

1. Ներածություն. Կազմակերպության կայունության, գնահատման և ինքնագնահատման գաղափարները: Ի՞նչ նպատակով է իրականացվում կազմակերպության ինքնագնահատումը.
2. ՀԵԻԱ-ի 2013 թվականի գործունեության ներկայացում և քննարկում.
3. ՀԿ ենթահամակարգերը, նրանց բաղադրիչները և նրանց գնահատում.
4. Ի՞նչ է SWOT-ը, ինչու՞ է այն իրականացվում.
5. Կազմակերպության ենթահամակարգերի SWOT վերլուծություն (ղեկավարում, կառավման համակարգեր և գործողություններ, ծրագրեր և ծառայություններ, ֆինանսական կայունություն, մարդկային ռեսուրսներ, արտաքին հարաբերություններ և քարոզչություն).
6. SWOT վերլուծության արդյունքների ամփոփում.
7. Լրացուցիչ ուշադրության արժանի ենթահամակարգերի առանձնացում և դրանց զարգացման ուղղությամբ ձեռնարկվելիք գործողությունների մշակում,
8. ՀԵԻԱ-ի 2014թ.-ի մեկամյա զարգացման պլանի մշակում:

ՀԵԻԱ-ի ինքնագնահատման գործընթացը կազմակերպվեց և իրականացվեց ՀԵԻԱ-ի անդամ, փաստաբան Սոնա Հարությունյանի և ՀԵԻԱ-ի ղեկավարի օգնական Նվարդ Լոռյանի կողմից:

ՀԵԻԱ-ի ինքնագնահատման գործընթացի նախապատրաստական և իրականացման գործընթացը բաղկացած էր հետևյալ քայլերից.

1. *գործընթացի մեթոդների մշակում և վերլուծություն,*
2. *նախապատրաստական աշխատանքներ`*
  - սեմինարի նյութերի կազմում,
  - բաժանվող նյութերի, նամակների, փաթեթների նախապատրաստում,
  - նյութերի բաժանում մասնակիցներին,
  - սենյակի նախապատրաստում,
  - ֆլիպ չարթերի նախապատրաստում,
3. *ներածական նյութերի ներկայացում ինքնագնահատման փուլերի առնչությամբ,*
4. *կազմակերպության մեկ տարվա գործունեության ներկայացում,*
5. *քննարկումների արդյունքների գրանցում ֆլիպ չարթերի վրա,*
6. *SWOT վերլուծության անցկացում կազմակերպական ենթահամակարգերի համար,*
7. *ՀԵԻԱ-ի զարգացման պլանի նախագծի մուտքագրում համակարգիչ,*
8. *ինքնագնահատման գործընթացի և արդյունքների վերաբերյալ հաշվետվության պատրաստում:*

### III. ՆԿԱՐԱԳՐՈՒԹՅՈՒՆ

ՀԵԻԱ-ի 2013թ.-ի գործունեության ինքնագնահատման սեմինարի սկզբում ներկաների ուշադրությանը ներկայացվեց ներածական նյութ, որը վերաբերում էր կազմակերպության կայունության, գնահատման և ինքնագնահատման գաղափարներին: Արժարժվեցին այն հարցերը, թե ինչ նպատակով է իրականացվում կազմակերպության ինքնագնահատումը, ինչ է այն տալիս, ինչպես են օգտագործվում դրա արդյունքները: Բացի այդ՝ ներկաները հնարավորություն ստացան ծանոթանալ զարգացման կայուն փուլում գտնվող հասարակական կազմակերպությունների բնութագրական կառուցվածքին՝ ՀԿ 6 ենթահամակարգերին, նրանց բաղադրիչներին և այն գաղափարներին, որոնց պետք է առնչվեն գնահատման գործընթացում:

Հաջորդ փուլում ներկաների ուշադրությանը ներկայացվեց, թե ինչ է իրենից ներկայացնում SWOT վերլուծության մեթոդը, ինչու և ինչպես է այն կիրառվում: Այնուհետև աշխատանքային խումբը մեկ առ մեկ դիտարկեց ՀԿ ենթահամակարգերը (ղեկավարում, կառավարում, ծրագրեր և

ծառայություններ, ֆինանսական կայունություն, մարդկային ռեսուրսներ, հարաբերություններ այլ կազմակերպությունների հետ և շահերի պաշտպանություն) և անցկացրեց վերջիններիս SWOT վերլուծություն՝ արձանագրելով դրանց ուժեղ և թույլ կողմերը, հնարավորություններն ու վտանգները: Վերլուծությունների արդյունքները ամփոփվեցին ֆիլիի չարթերի վրա:

Մասնակիցները լրացրեցին հատուկ մշակված հացաթերթիկներ, որի հանրագումարի արդյունքում ընտրվեց այն 3 ենթահամակարգերը, որոնք, կարիք ունեն լրացուցիչ ուշադրության: Այս տարի այդ ենթահամակարգերն էին **ֆինանսական կայունությունը, ծրագրեր և ծառայությունները, արտաքին հարաբերությունները**, որոնց նկատմամբ ՀԵԻԱ-ն պետք է սահմանի առաջնայնություն և դրանք ընդգրկի մեկամյա զարգացման պլանում՝ նպատակաուղղված զարգացնելու միտումով:

#### IV. SWOT ՎԵՐԼՈՒԾՈՒԹՅՈՒՆ

Վերոնշյալ երեք ենթահամակարգերի SWOT վերլուծության արդյունքները ներկայացվում են ստորև.  
**ա. ԱՐՏԱՔԻՆ ՀԱՐԱԲԵՐՈՒԹՅՈՒՆՆԵՐ**

Ուժեղ կողմեր	Թույլ կողմեր
<ul style="list-style-type: none"><li>• Հեղինակություն և գործարար համբավ</li><li>• Մշակված ներքին և արտաքին քաղաքականություններ</li><li>• Համագործակցության հուշագրեր</li><li>• Հակակոռուպցիոն շարժում</li><li>• Հաստատված գործնական կապեր</li></ul>	<ul style="list-style-type: none"><li>• Միջազգային կոնֆերասներին մասնակցության պակաս</li><li>• Համագործակցության պակաս միջազգային համանման կառույցների հետ</li></ul>

Հնարավորություններ	Վտանգներ
<ul style="list-style-type: none"><li>• Պետական կառույցների հետ համագործակցության խորացում</li><li>• Իրավաբան ուսանողների ներգրավվում</li><li>• Տարածաշրջանային համագործակցության խորացում</li><li>• Անդամակցություն միջազգային կառույցներին, մասնակցություն նրանց գործունեությանը</li><li>• Միջազգային գիտաժողովների կազմակերպում</li><li>• Կարճ ֆիլմի պատրաստում ՀԵԻԱ-ի մասին</li></ul>	<ul style="list-style-type: none"><li>• Ֆորս մաժոր իրավիճակներ (պատերազմ, քաղաքականության փոփոխություն)</li><li>• Անառողջ մրցակցություն դաշտում գործող համանման կառույցների կողմից</li><li>• ՁԼՄ-ների ոչ պրոֆեսիոնալ մոտեցում և օբյեկտիվ լուսաբանում</li><li>• Պետական մարմինների կողմից համագործակցության ոչ բարյացկամ դրսևորում</li></ul>

#### **բ. ԾՐԱԳՐԵՐ ԵՎ ԾԱՌԱՅՈՒԹՅՈՒՆՆԵՐ**

Ուժեղ կողմեր	Թույլ կողմեր
--------------	--------------

- Աշխատակազմի կարգապահություն
- Տարիների փորձ
- Իրավաբան.ներթի առկայություն, ՀԵԻԱ և հակակոռուպցիոն շարժման եռալեզու կայքեր
- Լավ կառավարում, մարզային գրասենյակներ և հակակոռուպցիոն կենտրոններ՝ տեխնիկապես հագեցված
- Մարդկային ռեսուրսներ
- Թիմային ոգի, ավանդույթներ, նվիրվածություն աշխատանքին
- Շահառուներ
- Կրթական ծրագրերի իրականացում

- Կամավորական ուժի պակաս (կենտրոնական և մարզային գրասենյակներում)
- Ծառայության վերաբերյալ գովազդներ պակաս
- Աշխատակազմի անդամների պակաս (հեխա, իրավաբան.ներթ)
- Իրավաբան.ներթի տեխնիկայի պակաս
- ՀԵԻԱ հանձնաժողովների և ակումբերի պասիվություն
- Աշխատակազմի անդամների հարակից հմտությունների պակաս
- Մարզային գրասենյակների և Հակակոռուպցիոն կենտրոնների թվի կրճատում
- Ժամանցային միջոցառումների պակաս
- Մարզային գրասենյակների ապակենտրոնացում ՀԵԻԱ կենտրոնական գրասենյակից

### Հնարավորություններ

- Անգլերեն նյութերի, հաջողված պատմությունների հանրայնացում վեբ կայքերի միջոցով
- Ակումբների, հանձնաժողովների, ԻՈԻԲ-ի առկայություն
- Ուսանողների ներգրավվումը մասնագիտական հմտություններին նվիրված միջոցառումների կազմակերպում
- ՀԵԻԱ անդամների/կադրերի առաջնորման հնարավորություն
- ԲՈՒՀ-երի հետ արտադրական պրակտիկայի կազմակերպում
- Առանձին ծրագրերի իրականացում մարզային մասշտաբով
- Մեդիա աջակցության հնարավորություն մարզերում
- Օրենսդրական փոփոխությունների լրբինգ

### Վտանգներ

- Գործունեությունից բխող վտանգներ
- Անդամների ոչ նվիրվածություն, շահագրգռվածության/մոտիվացիայի պակաս
- Կադրային հոսունություն

### Ուժեղ կողմեր

- Մարտահրավերներին դիմակայելու ունակություն
- Միջոցների հայթայթման հնարավորություններ
- Crowd Funding հնարավորություն

### Թույլ կողմեր

- Ինքնաֆինանսավորման/ֆինանսական բազմազանության պակաս

### Հնարավորություններ

- Ներգրավվածություն բիզնես ոլորտում
- Ֆինանսական բազմազանության ապահովում

### Վտանգներ

- Քաղաքականության փոփոխություն, դոնորների հետաքրքրության շրջանականների սահմանափակում
- Դոնորների գործունեության ոլորտի փոփոխություն
- Օրենսդրական փոփոխություն (Օրինակ՝ պարտադիր կենաթոշակային համակարգի ներդրում), օրենսդրության անփոփոխ վիճակ (օրինակ՝ չընձեռել ՀԿ-ներին ձեռնարկատիրական գործունեությամբ զբաղվելու իրավունք)

## V. SWOT ՎԵՐԼՈՒԾՈՒԹՅԱՆ ԱՐԴՅՈՒՆՔՆԵՐԻ ԿԻՐԱՌՈՒՄ

ՀԵԻԱ-ի ինքնագնահատման աշխատանքային հանդիպման ընթացքում իրականացված վերլուծության արդյունքները օգտագործվեցին կազմակերպության մեկամյա զարգացման պլանի կազմման համար: Այդ նպատակով յուրաքանչյուր ենթահամակարգի զարգացման ուղղությամբ ձևավորվեց աշխատանքային խումբ, որի քննարկման շրջանակներում ձևակերպվեցին զարգացման հիմնական ուղիներ, որոնց իրականացման միջոցառումներն ու գործողությունների պլանը կընդգրկվի զարգացման պլանում:

**Արտաքին հարաբերություններ** ենթահամակարգի զարգացման նպատակով այս տարի առաջնային խնդիր ձևակերպեց այն, որ ՀԵԻԱ-ն պետք է նոր կապեր ստեղծի մասնավորապես ամրապնդելով տարածաշրջանային և միջազգային համագործակցությունը:

**Ծրագրեր և ծառայություններ** ենթահամակարգի զարգացման նպատակով աշխատանքային խումբը առանձնացրեց հետևյալ ուղիները՝ ՀԵԻԱ-ի վարչության անդամների, գրասենյակների ղեկավարների և անդամների համար դրամաշնորհային ծրագրեր գրելու ուսուցման կազմակերպում, նոր ծրագրերի ներկայացում և ծրագրերի բազմազանության ապահովում:

**Ֆինանսական կայունության** ենթահամակարգի զարգացման առաջնային խնդիր ձևակերպվեց ֆինանսական աղբյուրների /դրամաշնորհների/ բազմազանության պակասը, այդ թվում նաև ինքնաֆինանսավորման աղբյուրների:

## VI. ԱՍՓՈՓՈՒՄ

Կազմակերպության կայուն զարգացումն ապահովելու համար մենք կարիք ունենք իմանալ, թե որտեղ է այն գտնվում տվյալ պահին, արձանագրել կազմակերպության վիճակը, տեսնել այն ոլորտներն ու կողմերը, որոնք առավել ուշադրության կարիք ունեն: Այդ իսկ նպատակով յուրաքանչյուր տարի ՀԵԻԱ-ն անց է կացնում կազմակերպության ինքնագնահատում, որի արդյունքներն ընդգրկվում են կազմակերպության մեկամյա զարգացման պլանում: Այս տարի զարգացման պլանում ընդգրկվեցին երեք ոլորտներ, որոնց զարգացման ուղղությամբ ՀԵԻԱ-ն հետևողականորեն կաշխատի 2014թ.-ի ընթացքում: Կազմակերպության գործունեության ինքնագնահատման արդյունքներն օգտագործվեցին նաև ՀԵԻԱ-ի նոր երկարաժամկետ ռազմավարական պլանում: Այս տարի ինքնագնահատման գործընթացը հանդիսացավ ՀԵԻԱ-ի արտաքին գնահատման տրամաբանական շարունակությունն ու ռազմավարական պլանավորման գործընթացի կարևորագույն քայլ: